

PRAVILNIK O IZMJENAMA I DOPUNAMA PRAVILNIKA O DODJELJIVANJU IDENTIFIKACIONIH BROJEVA, REGISTRACIJI I IDENTIFIKACIJI I EVIDENCIJAMA POREZNIH OBVEZNIKA NA TERITORIJI FEDERACIJE BOSNE I HERCEGOVINE*

(“Službene novine Federacije BiH”, broj 79/25)

Član 1.

U Pravilniku o dodjeljivanju identifikacionih brojeva, registraciji i identifikaciji i evidencijama poreznih obveznika na teritoriji Federacije Bosne i Hercegovine ("Službene novine Federacije BiH", br. 69/17, 17/18, 32/20, 89/22, 36/24 i 27/25) u članu 2. iza tačke o) dodaju se nove tač. p) i r) koje glase:

"p) pojam "stečajna masa kao subjekt postupka reorganizacije" (Skraćenica: SM-SPR) uključuje novi subjekt građanskog procesnog prava koji, nakon obustave stečajnog postupka usljed prodaje stečajnog dužnika kao pravnog lica, staje na mjesto stečajnog dužnika i preuzima dužove stečajnog dužnika kao njegov procesni sljednik.

r) pojam "stečajna masa kao subjekt postupka stečaja" (Skraćenica: SM-SPS)" je novi subjekt građanskog procesnog prava koga zastupa stečajni upravnik koji može, nakon zaključenja stečajnog postupka, nastaviti sudske i upravne postupke koje je vodio stečajni dužnik ili koji se vode protiv stečajnog dužnika."

Član 2.

U članu 4. iza stava (2) dodaje se novi stav (3) koji glasi:

"(3) Obavezu posjedovanja identifikacionog broja poreznog obveznika ima i SM-SPR i SM-SPS."

Član 3.

U članu 5. stav (2) riječi: "tač. a), b), c) i d)" zamjenjuju se riječima: "stav (1) tač. a), b), c) i d) i stava (3)".

Član 4.

Iza član 15. dodaje se novi član 15a. koji glasi:

"Član 15a.

(Stečajna masa kao subjekt postupka)

(1) Dodjeljivanje identifikacionog broja stečajnoj masi kao subjektu postupka (SM-SPR i SM-SPS) u skladu sa Zakonom o stečaju Federacije Bosne i Hercegovine ("Službene novine Federacije BiH" br. 53/21 i 19/25) vrši se podnošenjem Obrasca POR - 500 na način uređen ovim članom.

(2) Ukoliko nema identifikacionog broja poreznog obveznika u Registru Pasivnih i Neaktivnih poreznih obveznika, Porezna uprava će dodjeliti novi broj.

(3) Stečajni upravnik će uz Obrazac POR-500 dostaviti sljedeću dokumentaciju:

a) rješenje nadležnog suda o zaključenju stečajnog postupka ili rješenje o obustavi stečajnog postupka usljed prodaje stečajnog dužnika kao pravnog lica, (kopija uz original na uvid),

b) ugovor o vođenju računovodstvenih poslova samo u slučaju kada poslovne knjige vodi drugo pravno ili fizičko lice (ovjerena kopija ili original),

c) dokaz o pravnom osnovu korištenja poslovnog prostora (ovjerena kopija ili original),

d) identifikacioni dokument podnosioca zahtjeva (na uvid) ili punomoć za podnošenje obrasca za punomoćnika (original ili ovjerena kopija).

(4) Prijava za registraciju iz stava (1) ovog člana podnosi se nadležnoj organizacionoj jedinici Porezne uprave gdje se nalazi sjedište registracionog suda koji upisuje SM-SPR ili SM-SPS.

(5) Ukoliko se na osnovu uredno podnesene prijave za registraciju i dokumentacije utvrdi da su ispunjeni uslovi za dodjeljivanje PJB-a, Porezna uprava će na način uređen ovim članom, dodijeliti PJB u skladu sa odredbama člana 7. ovog pravilnika. Nakon dodjeljivanja identifikacionog broja, Porezna uprava će izvršiti upis podataka u Registar iz člana 34. ovog pravilnika i izdati Uvjerjenje o registraciji poreznih obveznika u roku od 5 radnih dana."

Član 5.

U članu 19. stav (1) dodaje se nova tačka c) koja glasi:

"c) kod nastanka stečajne mase kao subjekta postupka (SM-SPR i SM-SPS),"

* Pravilnik je objavljen u "Službenim novinama Federacije BiH", broj 79/25 od 15. oktobra 2025. godine, a stupio je na snagu 16. oktobra 2025. godine. Pravilnik je donijet na osnovu člana 95. stav (1) Zakona o Poreznoj upravi Federacije Bosne i Hercegovine.

Dosadašnja tačka c) postaje tačka d).

Iza stava (4) dodaje se novi stav (5) koji glasi:

"(5) Izuzetno, stav (4) ovog člana ne primjenjuje se kod dodjeljivanja PJIB iz stava (1) tačka c) ovog člana."

Dosadašnji st. (5) i (6) postaju st. (6) i (7).

Član 6.

U članu 22. iza stava (4) dodaje se novi st. (5) i (6) koji glase:

"(5) Promjene podataka pravnog lica iz stava (4) ovog člana su: Upis prokure, Promjena naziva subjekta upisa, Promjena sjedišta, Promjena djelatnosti - usklađivanje djelatnosti, Promjena lica ovlaštenih za zastupanje, Promjena ovlaštenja lica ovlaštenih za zastupanje, Promjena osnivača/člana subjekta, Povećanje kapitala, Smanjenje kapitala, Upis preostalog ugovorenog novčanog dijela osnovnog kapitala, Osnivanje podružnice, Osnivanje podružnice stranog lica, Promjena sjedišta podružnice, Promjena lica ovlaštenog za zastupanje podružnica, Ostali upisi (Deponovaje statuta, Ustup spisa, Promjena MSB i Preuzimanje društva iz nadležnosti drugog suda), Brisanje podružnice, Podjela subjekta, Pripajanje subjekta, Spajanje subjekta, Promjena oblika organizovanja, Izdvajanje dijela subjekta, Upis zabilježbe likvidacije, Upis zabilježbe stečaja, Brisanje zabilježbe likvidacije, Brisanje konačnog neosnovanog upisa i Brisanje subjekta.

(6) Za promjene iz stava (5) ovog člana: Osnivanje podružnice, Osnivanje podružnice stranog lica, Promjena sjedišta podružnice, Promjena lica ovlaštenog za zastupanje podružnica, Brisanje podružnice podnosi se Obrazac POR - 501, a za ostale promjene podnosi se Obrazac POR - 500."

Dosadašnji stav (5) postaje stav (7).

Član 7.

Član 23a. briše se.

Član 8.

U članu 23b) stav (3) mijenja se i glasi:

"(3) Uz prijavu iz stava (2) ovog člana dostavlja se:

- a) za novoosnovana privredna društva dokumentacija iz člana 13. stav (3) tač. b) i c) ovog pravilnika,
- b) za podružnicu dokumentacija iz člana 13. stav (3) tačka c) ovog pravilnika,
- c) za podružnicu nerezidentnih pravnih lica dokumentacija iz člana 13. stav (3) tačka d) i stava (5) ovog pravilnika,
- d) za privredna društva nastala statusnim promjenama dokumentacija u skladu sa članom 13. stav (6) ovog pravilnika,
- e) za organizacije dokumentacija iz člana 14. stav (3) tač. b), c) i d) ovog pravilnika,
- f) za stečajnu masu dokumentacija iz člana 15a. stav (3) tač. a), b) i c) ovog pravilnika."

Član 9.

U članu 23c. stav (1) iza riječi "osnivač ili" dodaju se riječi: "s osnivačem povezano pravno lice ili"

Iza stava (1) dodaju se novi st. (2) i (3) koji glase:

"(2) Iznimno stavu (1) ovog člana, s osnivačem povezano pravno lice ne uključuje pravna lica koja su u stečaju, ili pravna lica koja su brisana iz registra nadležnog suda.

(3) S osnivačem povezano pravno lice iz stava (1) ovog člana smatra se drugo pravno lice u kojem osnivač posjeduje direktno ili indirektno 51 ili više procenata vrijednosti ili broja dionica ili glasačkih prava."

Dosadašnji st. (2), (3), (4) i (5) postaju novi st. (4), (5), (6) i (7).

U dosadašnjem stavu (2) koji postaje stav (4) iza riječi "osnivač ili" dodaju se riječi: "s osnivačem povezano pravno lice ili".

Član 10.

Ovaj pravilnik stupa na snagu narednog dana od dana objavljivanja u "Službenim novinama Federacije BiH".